

KJKP "RAD" d.o.o. SARAJEVO

-DIREKTOR-

Broj: 05-03-04- /19

Sarajevo, 08.02.2019. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku ulja za hidrauliku – LOT 2

I

Kao najpovoljnijeg ponuđača za nabavku ulja za hidrauliku, odabiram ponudu ponuđača "BIOL" d.o.o. Konjic.

OBRAZLOŽENJE

KJKP "RAD" je dana 25.12.2018. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku ulja i maziva, sa rokom dostave ponuda 14.01.2019. godine.

Po otvorenom postupku za nabavku pristigle su četiri (4) ponude i to ponude firmi „BH TRIGEMA“ d.o.o. Kakanj, „BIOL“ d.o.o. Konjic, „MINACO“ d.o.o. Gradačac i „VALVOSON“ d.o.o. Busovača

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „MINACO“ d.o.o. Gradačac nije dostavio sva potrebna odobrenja proizvođača, budući da ista nisu navedena na dostavljenim tehničkim listovima. Na osnovu tehničkih specifikacija i dostavljenih tehničkih listova ovog proizvođača, može se utvrditi sljedeće:
 - za hidraulično ulje HD 22 (stavka 12.) ponuđač nije naveo komercijalni naziv ulja koje nudi te nedostaje traženo odobrenje: US Steel 127,136; SAE MS004 HM, Joy HO-S, General Motors LS2 specification, ANSI/AGMA 9005-E02, SEB 181222;
- Ponuđač „VALVOSON“ d.o.o. Busovača nije dostavio sva potrebna odobrenja proizvođača, budući da ista nisu navedena na dostavljenim tehničkim listovima. Na osnovu tehničkih specifikacija i dostavljenih tehničkih listova ovog proizvođača, može se utvrditi sljedeće:
 - za sintetičko hidraulično ulje (stavka 10.) ponuđač nije dostavio tražena odobrenja: ASTM DG158, EATON VICKERS 35VQ25A, Cincinnati Machine P70, Bosch – Rexroth RD/RE 90220-01;

Ponude ovih ponuđača su ocijenjene kao nepotpune i neprihvatljive te nisu uzete u dalje razmatranje.

Komisija je utvrdila da je zadovoljena stvarna konkurencija, budući da su ponude ponuđača „BH TRIGEMA“ d.o.o. Kakanj i „BIOL“ d.o.o. Konjic ocijenjene kao potpune te daje preporuku Ugovornom organu da provede E-aukciju u skladu sa informacijama o procesu e-aukcije datim u Tenderskoj dokumentaciji.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. „BH TRIGEMA“ d.o.o. Kakanj

Cijena (9.101,00 KM)

3. „BIOL“ d.o.o. Konjic

Cijena (11.700,00 KM – 10% (preferencijalni tretman))

Obzirom da se radi o otvorenom postupku javne nabavke kojim je predviđeno sklapanje Okvirnog sporazuma a da je broj prihvatljivih ponuda dvije (2), cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da provede E-aukciju dana 07.02.2019. godine, u skladu sa informacijama o procesu e-aukcije datim u Tenderskoj dokumentaciji.

Ugovorni organ je dana 05.02.2019. godine zakazao E-aukciju za dan 07.02.2019. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1. „BIOL“ d.o.o. Konjic

Cijena (9.101,00 KM – 10% (preferencijalni tretman))

2. „BH TRIGEMA“ d.o.o. Kakanj

Cijena (9.101,00 KM)

Komisija, u skladu sa istom, obzirom da je kriterij za dodjelu ugovora bio najniža cijena predlaže Ugovornom organu da ponudu ponuđača „BIOL“ d.o.o. Konjic prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 9.101,00 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnositelj saznao ili je trebao da sazna za navodnu povredu Zakona u toku konkretnog postupka

**DIREKTOR KJKP „RAD“
Selim Babić dipl.ing.građ.**

DOSTAVITI:

- Ponudjačima;
- a/a